



Broj: 01/1-45- /26
Bihać, 28.4.2026. godine

ZAPISNIK
sa 37. redovne sjednice Skupštine Unsko-sanskog kantona
održane dana 28.4.2026. godine

37. redovna sjednica Skupštine Unsko-sanskog kantona održana je dana 28.4.2026. godine (utorak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Nisvet Jusić, predsjedavajući Skupštine Unsko-sanskog kantona pozdravio je sve prisutne u sali, te konstatovao, da sjednici Skupštine prisustvuje 25 zastupnika čime je obezbjeđen kvorum za rad.

Odsutni su: Mehmed Mahmić, Emir Šabić, Sedija Cinac, Hajrudin Halilović i Elvira Abdić Jelenović.

Predsjedavajući Skupštine upoznao je prisutne da je Kolegij Skupštine utvrdio dnevni red 37. redovne sjednice Skupštine Unsko-sanskog kantona na osnovu materijala koji su se nalazili u Skupštini.

Zatim je predsjedavajući Skupštine pročitao

D n e v n i r e d

1. Zapisnik sa 36. redovne sjednice,
2. Poslanička pitanja,
3. Prijedlog Zakona o izmjenama i dopunama Zakona o dopunskim pravima branilaca i članova njihovih porodica,
4. Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom,
5. Prijedlog Plana zaštite okoliša Unsko-sanskog kantona 2024-2032.godine,
6. Izbor i imenovanja:
 - a) Prijedlog Odluke o imenovanju privremenih članova Skupštine JP „Unsko-sanske novine“;
 - b) Mišljenje Komisije za izbor, imenovanja i finansijsko-administrativna pitanja sa prijedlogom Odluke o razrješenju člana Skupštine JP „Radio-televizija Unsko-sanskog kantona“.
7. Program rada JU Zavod za zaštitu kulturnog naslijeđa Bihać za 2026.godinu,
8. Program rada JU Arhiv Unsko-sanskog kantona za 2026.godinu,
9. Program rada JU Kantonalna i univerzitetska biblioteka za 2026.godinu,

10. Program rada JU Muzej Unsko-sanskog kantona za 2026.godinu,
11. Program rada Sportskog saveza Unsko-sanskog kantona za 2026.godinu,
12. Program rada JU Pedagoški zavod Unsko-sanskog kantona za 2026.godinu.

Također predsjedavajući Skupštine upoznao je prisutne da je u skladu sa odredbama člana 52. i 53. Poslovnika Skupštine Unsko-sanskog kantona zaprimljen zahtjev za dopunu dnevnog reda, podnesen od Kluba NES-a kojim su zatražili da se tačka 6. predloženog dnevnog reda dopuni sa podtačkama c) i d) i to:

- c) Prijedlog Odluke o razrješenju članova Skupštine JP „Radio – televizija Unsko – sanskog kantona“ i
- d) Prijedlog odluke o imenovanju privremenih članova Skupštine JP „Radio – televizija Unsko – sanskog kantona“.

Predsjedavajući Skupštine je također naglasio da se na dnevnom redu nalazi prijedlog Zakona o izmjenama i dopunama Zakona o dopunskim pravima branilaca i članova njihovih porodica i prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom koji su upućeni u skupštinsku proceduru po skraćenom postupku, te da se shodno odredbama člana 133. Poslovnika Skupština Unsko-sanskog kantona izjašnjava o razmatranju predloženih zakona po skraćenom postupku.

Zatim je predsjedavajući Skupštine zamolio Irmu Fatkić, predsjednicu Kluba NES-a da obrazloži zahtjev za dopunu dnevnog reda.

Irma Fatkić upozнала je prisutne da razlog za dopunu dnevnog reda proizilazi iz činjenice da su u Službi Skupštine zaprimljena dva akta u kojima se ističu nezakonite radnje unutar JP „Radio-televizija Unsko-sanskog kantona“, te kako Skupština Unsko-sanskog kantona imenovanjem Skupštine JP „Radio-televizija Unsko-sanskog kantona“ vrši upravljačka prava, neophodno je da ista u ime osnivača utvrdi šta se dešava u navedenom preduzeću i izvjesti Skupštinu Unsko-sanskog kantona. S obzirom na neoglašavanje članova Skupštine JP „Radio-televizija Unsko-sanskog kantona“ po predmetnom pitanju, kao i podnošenje ostavke jednog od članova Skupštine, ukazuje da isti nisu spremni obavljati svoju funkciju u cjelosti, a čime se treba ispitati povjerenje, te eventualna smjena i imenovanje privremenih članova koji bi bili spremni ispitati navode iz prijave i naložiti mjere, obzirom da Skupština preduzeća imenuje članove privremenog nadzornog odbora, kao i članove u redovnoj proceduri imenovanja. Skupština preduzeća je trebala poduzeti sve mjere i radnje da spriječi svaki pokušaj nezakonitog obavljanja poslova, a da Skupština nije obavljala poslove ukazuje i činjenica da je od Uprave putem Vlade Unsko-sanskog kantona i resornog ministarstva zatražen upravni nadzor preduzeća u cilju utvrđivanja određenih nepravilnosti. Shodno svemu navedenom, imenovana smatra da se treba preispitati povjerenje trenutnim članovima, kao i izvršiti imenovanje privremenih.

Zatim je predsjedavajući Skupštine zamolio Zulić Almira, ministra Ministarstva za pitanje boraca i RVI da obrazloži razloge za razmatranje prijedloga Zakona o izmjenama i dopunama Zakona o dopunskim pravima branilaca i članova njihovih porodica po skraćenom postupku.

Zulić Almir, ministar Ministarstva za pitanje boraca i RVI upoznao je prisutne da se ne radi o obimnom tekstu izmjena i dopuna predmetnog zakona, te da je iz tog razloga predloženo da se isti razmatra po skraćenom postupku.

Zatim je predsjedavajući Skupštine zamolio Sedić Samira, sekretara Ministarstva zdravstva, rada i socijalne politike da obrazloži razloge za razmatranje prijedloga Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom po skraćenom postupku.

Sedić Samir, sekretar Ministarstva zdravstva, rada i socijalne politike je konstatovao, da nisu u pitanju obimne izmjene i dopune, te da je shodno tome predloženo da se predmetni zakon razmatra po skraćenom postupku.

Zatim je predsjedavajući Skupštine dao riječ Ružnić Mustafi, premijeru Unsko-sanskog kantona.

Mustafa Ružnić, premijer Unsko-sanskog kantona upoznao je prisutne da je Vlada Unsko-sanskog kantona zaprimila mišljenje Službe Skupštine u kojem se navodi da predmetni zakoni imaju određene nedostatke tehničke prirode, te da će shodno tome Vlada uložiti svoje amandmane koji će postati sastavni dio zakona čime će se u potpunosti uvažiti mišljenje Skupštine, odnosno svih skupštinskih komisija. Kada je u pitanju dopuna dnevnog reda premijer je konstatovao, da je Vlada Unsko-sanskog kantona dobila dopis od predsjednice nadzornog odbora nakon čega je sazvan radni sastanak sa predstavnicima javnog preduzeća na kojem je ustanovljeno da je došlo do kršenja pravilnika i niza nepravilnosti u radu, te shodno tome smatra da bi se trebao uvažiti zahtjev za dopunu dnevnog reda, obzirom da Skupština Unsko-sanskog kantona imenuje Skupštinu javnog preduzeća.

(Sjednici Skupštine pristupio je zastupnik Mehmed Mahmić).

Nakon izlaganja premijera Unsko-sanskog kantona, predsjedavajući Skupštine zamolio je predlagача dopune dnevnog reda da dostavi prijedlog imena za članove Skupštine JP „Radio-televizija Unsko-sanskog kantona“, a zatim je otvorio raspravu o dopuni dnevnog reda i o skraćenom postupku.

Po Poslovniku za riječ se javila Ines Delić, zamjenica predsjedavajućeg Skupštine koja je konstatovala, da je materijal za dopunu dnevnog reda nepotpun, te da o istom nije moguće raspravljati ako materijal nije potpun.

Učešće u diskusiji uzeli su: Sanil Hasić, Asmir Ćufurović, Zikrija Duraković, Irma Fatkić i Emir Dautović.

Nakon zaključene rasprave, za riječ se javio Mustafa Ružnić, premijer Unsko-sanskog kantona koji je odgovorio na postavljena pitanja zastupnika i dao tražena pojašnjenja.

Zatim je predsjedavajući Skupštine, na prijedlog Kluba SDA, dao pauzu u trajanju do 15 minuta, te je još jednom zamolio predlagача dopune dnevnog reda da dopuni predmetni materijal.

Nakon završene pauze, za riječ se javila Irma Fatkić, predsjednica Kluba NES-a, te konstatovala, da povlači zahtjev za dopunu dnevnog reda.

Sa 17 glasova »za«, bez glasova »protiv« i 5 glasova »suzdržan«, Skupština Unsko-sanskog kantona donosi sljedeći:

Zaključak

Prijedlog Zakona o izmjenama i dopunama Zakona o dopunskim pravima branilaca i članova njihovih porodica razmatraće se po skraćenom postupku.

Sa 19 glasova »za«, bez glasova »protiv« i 5 glasova »suzdržan«, Skupština Unsko-sanskog kantona donosi sljedeći:

Zaključak

Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom razmatraće se po skraćenom postupku.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 36. redovne sjednice

Bez rasprave, sa 24 glasa »za«, bez glasova »protiv« i bez glasova »suzdržan«, Zapisnik sa 36. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Emir Dautović, Fatka Kulenović, Azhar Sejarić, Rusmira Konjević, Aida Pašić, Abid Mulalić, Asmir Ćufurović, Elvir Risović, Nisvet Jusić, Ines Delić, Sanil Hasić i Azra Tajić.

(Sjednici Skupštine pristupio je zastupnik Emir Šabić)

Usmeni odgovor na poslaničko pitanje zastupnika Sejarić Azhara dao je Danko Jakšić, ministar Ministarstva finansija.

Ad.3.

Prijedlog Zakona o izmjenama i dopunama Zakona o dopunskim pravima branilaca i članova njihovih porodica

Izvjestilac: Almir Zulić, ministar Ministarstva za pitanje boraca i RVI

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Amir Murić, predsjedavajući Komisije za zdravstvo, boračka pitanja, rad i socijalnu politiku,

- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Emir Dautović, Asmir Ćufurović, Fatka Kulenović, Irma Fatkić, Abid Mulalić i Nisvet Jusić.

Nakon zaključene rasprave, za riječ se javila zastupnica Azra Tajjić i zatražila pauzu prije izjašnjavanja u trajanju od sat ili sat i pol.

Predsjedavajući Skupštine je konstatovao, da je u toku amandmanska sjednica Vlade Unsko-sanskog kantona i da se čeka izjašnjenje Vlade, a zatim je dao na izjašnjenje predloženu pauzu u trajanju od sat i pol.

Predsjedavajući Skupštine je konstatovao, da je zahtjev za pauzu dobio potrebnu većinu.

Nakon završene pauze, predsjedavajući Skupštine je predložio da se nastavi sa dnevnim redom.

Kako je u međuvremenu završena amandmanska sjednica Vlade Unsko-sanskog kantona predsjedavajući Skupštine zamolio je premijera Unsko-sanskog kantona da obrazloži stav Vlade.

Mustafa Ružnić, premijer Unsko-sanskog kantona upoznao je prisutne da je Vlada Unsko-sanskog kantona prihvatila amandmane, te da isti postaju sastavni dio zakona.

Zatim je predsjedavajući Skupštine zamolio zastupnike da se izjasne o prijedlogu Zakona o izmjenama i dopunama Zakona o dopunskim pravima branilaca i članova njihovih porodica.

Sa 25 glasova »za«, bez glasova »protiv« i bez glasova »suzdržan«, prijedlog Zakona o izmjenama i dopunama Zakona o dopunskim pravima branilaca i članova njihovih porodica, dobio je potrebnu većinu.

Ad.4.

Prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom

Izvjestilac ispred Ministarstva zdravstva, rada i socijalne politike: Aida Omanović.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku,
- Amir Murić, predsjedavajući Komisije za zdravstvo, boračka pitanja, rad i socijalnu politiku,
- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Aida Pašić, Azra Tajić, Abid Mulalić, Amir Murić, Emir Dautović, Azhar Sejarić, Nisvet Jusić, Fatka Kulenović, Nijaz Kadirić, Asmir Čufurović i Irma Fatkić.

Zatim je predsjedavajući Skupštine konstatovao, da Vlada Unsko-sanskog kantona nije prihvatila amandman na prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, podnesen od Kluba SDA.

S obzirom da predlagač amandmana ostaje pri uloženom amandmanu, predsjedavajući Skupštine daje na glasanje:

- Amandman na prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, podnesen od Kluba Stranke demokratske akcije kojim se dopunjava član 90. osnovnog teksta Zakona na način da se u stavu (1), iza tačke g) dodaje nova tačka h) koja glasi: „h) pravo na dodatak za njegu i podršku djetetu sa težim ili teškim invaliditetom nastalim prije navršenih 18 godina života“, pojedinačnim izjašnjavanjem sa 11 glasova »za«, bez glasova »protiv« i 13 glasova »suzdržan«, nije dobio potrebnu većinu.

Zatim se za riječ javio zastupnik Azhar Sejarić koji je podsjetio prisutne na predloženi zaključak od strane premijera Unsko-sanskog kantona, te je pokrenuo pitanje izjašnjavanja o istom.

Predsjedavajući Skupštine je konstatovao, da je predmetni zaključak trebao predložiti neko od zastupnika u toku rasprave kako bi se o istom moglo izjašnjavati.

Za riječ se javio zastupnik Zikrija Duraković koji se složio sa konstatacijom predsjedavajućeg Skupštine, te isto smatra da je neko od zastupnika trebao predložiti zaključak toku diskusije kako bi se o istom Skupština mogla izjašnjavati.

Sa 25 glasova »za«, bez glasova »protiv« i bez glasova »suzdržan«, prijedlog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, dobio je potrebnu većinu.

Ad.5.

Prijedlog Plana zaštite okoliša Unsko-sanskog kantona 2024-2032.godine

Izvjestilac:

- Mersija Talić, pomoćnik ministra za zaštitu okoliša i komunalne djelatnosti,
- Kemal Hodžić, konsultant ispred konsultantske kuće »nLogic Advisory«

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,

- u sali Skupštine nije bio prisutan predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam koji bi mogao iznijeti stav Komisije.

Bez rasprave, sa 16 glasova »za«, bez glasova »protiv« i bez glasova »suzdržan«, prijedlog Plana zaštite okoliša Unsko-sanskog kantona 2024-2032.godine, dobio je potrebnu većinu.

Ad.6.

Izbor i imenovanja:

- a) Prijedlog Odluke o imenovanju privremenih članova Skupštine JP „Unsko-sanske novine“;
- b) Mišljenje Komisije za izbor, imenovanja i finansijsko-administrativna pitanja sa prijedlogom Odluke o razrješenju člana Skupštine JP „Radio-televizija Unsko-sanskog kantona“.

Izvjestilac: Almin Hopovac, predsjedavajući Komisije za izbor, imenovanja i finansijsko-administrativna pitanja.

- a) Prijedlog Odluke o imenovanju privremenih članova Skupštine JP „Unsko-sanske novine“;

Bez rasprave, sa 16 glasova »za«, bez glasova »protiv« i bez glasova »suzdržan«, Skupština Unsko-sanskog kantona donijela je sljedeću:

ODLUKU o imenovanju privremenih članova Skupštine JP „Unsko-sanske novine“

Član 1.

Ovom Odlukom imenuju se privremeni članovi Skupštine JP „Unsko-sanske novine“ na period od 90 dana i to:

1. Elvis Ademović,
2. Adisa Osmanović,
3. Amir Rekanović.

- b) Prijedlog Odluke o razrješenju člana Skupštine JP „Radio-televizija Unsko-sanskog kantona“

Bez rasprave, sa 16 glasova »za«, bez glasova »protiv« i bez glasova »suzdržan«, Skupština Unsko-sanskog kantona donijela je sljedeću:

**Odluku
o razrješenju člana
Skupštine JP „Radio-televizija Unsko-sanskog kantona“**

Član 1.

Dino Bulić, razrješava se dužnosti člana Skupštine JP „Radio-televizija Unsko-sanskog kantona“, na koju je imenovan Odlukom Skupštine Unsko - sanskog kantona („Službeni glasnik Unsko - sanskog kantona“, broj 4/26).

Zatim je predsjedavajući Skupštine predložio da se objedini rasprava po sljedećim tačkama dnevnog reda:

Ad.7.

Program rada JU Zavod za zaštitu kulturnog naslijeđa Bihać za 2026.godinu

Izvjestilac: Midhada Midžić, direktorica JU Zavod za zaštitu kulturnog naslijeđa Bihać.

Ad.8.

Program rada JU Arhiv Unsko-sanskog kantona za 2026.godinu

Izvjestilac: Rejhana Saračević, direktorica JU Arhiv Unsko-sanskog kantona.

Ad.9.

Program rada JU Kantonalna i univerzitetska biblioteka za 2026.godinu

Izvjestilac: Mirela Midžić, direktorica JU Kantonalna i univerzitetska biblioteka.

Ad.10.

Program rada JU Muzej Unsko-sanskog kantona za 2026.godinu

Izvjestilac: Dino Dupanović, direktor JU Muzej Unsko-sanskog kantona.

Ad.11.

Program rada Sportskog saveza Unsko-sanskog kantona za 2026.godinu

Izvjestilac: Emir Dautović, predsjednik Sportskog saveza Unsko-sanskog kantona.

Ad.12.

Program rada JU Pedagoški zavod Unsko-sanskog kantona za 2026.godinu

Izvjestilac: Haris Smajić, ispred JU Pedagoški zavod Unsko-sanskog kantona.

Ispred radnih tijela:

- Azhar Sejarić, predsjedavajući Komisije za obrazovanje, nauku, kulturu, sport i mlade,
- Nijaz Kadirić, predsjedavajući Komisije za budžet, ekonomsku i finansijsku politiku,

Bez rasprave, sa 16 glasova »za«, bez glasova »protiv« i bez glasova »suzdržan«, Program rada JU Zavod za zaštitu kulturnog naslijeđa Bihać za 2026.godinu, dobio je potrebnu većinu.

Bez rasprave, sa 16 glasova »za«, bez glasova »protiv« i bez glasova »suzdržan«, Program rada JU Arhiv Unsko-sanskog kantona za 2026.godinu, dobio je potrebnu većinu.

Bez rasprave, sa 16 glasova »za«, bez glasova »protiv« i bez glasova »suzdržan«, Program rada JU Kantonalna i univerzitetska biblioteka za 2026.godinu, dobio je potrebnu većinu.

Bez rasprave, sa 16 glasova »za«, bez glasova »protiv« i bez glasova »suzdržan«, Program rada JU Muzej Unsko-sanskog kantona za 2026.godinu, dobio je potrebnu većinu.

Bez rasprave, sa 16 glasova »za«, bez glasova »protiv« i bez glasova »suzdržan«, Program rada Sportskog saveza Unsko-sanskog kantona za 2026.godinu, dobio je potrebnu većinu.

Bez rasprave, sa 16 glasova »za«, bez glasova »protiv« i bez glasova »suzdržan«, Program rada JU Pedagoški zavod Unsko-sanskog kantona za 2026.godinu, dobio je potrebnu većinu.

S ovim je završena 37. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić
